

Le livre des serfs de Marmoutier, Nr. 67

Nosse debebitis, si qui eritis posterius nostri Majoris scilicet hujus habitatores Monasterii Sancti Martini, Ingelbaldum quendam cognomento Blanchardum, ut a Deo libertate donetur aeterna, tradidisse se servum Sancti Martini et nostrum, agentibus nunc nobis sub regimine domni abbatis Alberti, anno ab incarnatione Domini Mo LXo Ito; ita videlicet, ut tam ipse, quam tota deinceps ex ipso ipsiusque si qui erunt filiis ac nepotibus per secula futura posteritas, sub eadem servitute pari jure permaneat. Quattuor itaque denarios, ex more, sibi supra caput posuit, quos inde domnus Fulco noster hoc tempore prior accepit. Actum testibus istis: Fulcone priore monacho; Tetbaldo Calvo monacho; David cellarario monacho; Gauscelino fratre Ademari, monacho; Rainerio de Bello Videre famulo; Arnulfo Mathone; Ingelberto filio Richardi; Petro coquo.